

Prodekan za nastavu i studenti Ekonomskog fakulteta Brčko na manifestaciji "Dani otvorenih vrata" u Centru za visoko obrazovanje u Bijeljini

Predstavnici Ekonomskog fakulteta Brčko, prodekan za nastavu prof.dr Lejla Terzić i studenti Slađana Purić i Zorana Lukić prisustvovali su manifestaciji „Dani otvorenih vrata“ u prostorijama Centra za visoko obrazovanje u Bijeljini, koja je održana 7. marta 2024. godine. U okviru manifestacije „Dani otvorenih vrata“ učenici završnih razreda srednjih škola iz Bijeljine, Zvornika, Ugljevika, Lopara, Milića, Vlasenice, Srebrenice i Bratunca imali su priliku da se upoznaju sa studijskim programima i smjerovima petnaest fakulteta i dvije akademije koje se nalaze u sastavu Univerziteta u Istočnom Sarajevu.



Prisutnima u velikom amfiteatru su se obratili prorektor za nauku, istraživanje i razvoj Univerziteta u Istočnom Sarajevu, prof.dr Jelena Krunić i predsjednik Skupštine grada Bijeljina Aleksandar Đurđević. Nakon uvodnog dijela manifestacije, mladi ljudi su imali priliku da posjete štanove fakulteta i akademija Univerziteta u Istočnom Sarajevu.





Prodekan za nastavu i studenti Ekonomskog fakulteta Brčko su razgovarali sa učenicima završnih razreda srednjih škola i upoznali ih sa uslovima upisa na Fakultet, načinu polaganja prijemnog ispita, studijskim programima i smjerovima, i ostalim korisnim informacijama vezanim za studiranje.

